

Keppler: Ob wolt mit ohn/das diese malitung (wie nämliche dī
Erd selber vrsach darzu gebe/das die himmlische Aspecte in sie wür-
gen) viel ein stattlicher s ansehen bekommet/wann man glaubt das sie
auch vmblauffe/so ist doch diese meine Meteorologia mit auff den vmb-
lauff der Erden gebawet: sondern bestehet für sich wann auch gleich
einer fürgibt/die Erd steht still.

D. Rößlin will sollich sein *axioms* mit einem einzigen *loco sacre*
scripturæ zu rück getrieben haben.

Keppler. Der Herr D. schone ein wenig/sonst wirf die ratio Mus-
ica Aspectuum fallen/vnd wird also Er gleich hērnach/ so man das
Blat vmbkehret/vbelb estehen / wann dEr mir dieselbige so sehr loben
wirdt. Das solliche von mir gebrauchte/vnd von jme Doctorn gelobte
ratio Aspectuum, (Nota aspectum non luminis per se) fundirt sich
ainig auff receptionem telluris, vnd gar nit auff influxum cœli.

D. Rößlin. Im Propheten Hosea stehtet/ *Quod cœlum exaudies*
terram.

Keppler, dEs folgt gleich drauff/ *Et Terra exaudies triticum,* &
triticum exaudiet fruhel. Und hab ich mit dem Propheten ad par-
tem geredt/in willens ihm seine wort außzulegen. Er hat aber dar-
für gebeten/mit vermeldung/das er nit physicè sondern popularibus ver-
bis theologicè geschrieben habe : neme sich vmb unsere materiam
nichts an.

D. Rößlin. Die gute fruchtbare regen kommen von oben herab.

Keppler. Ist war/sonst würden die Kühe an Beuchen naß/wann
Es vber sich regnett. Aber die Materia zu sollichem Regen rauchet
zuvor von vnden hinanff.

D. Rößlin. Die Erd wird vom Himmel geschwängert.

Keppler. Ich hab diese gleichnus in meim Buch de stelln auch ge-
führt/Fol. 173. 174. Es will sich aber nit wol Leutsch geben lassen/
warin ich mich von D. Rößlin schaide. Ist schier ein Ding/als waist
ein mutwilliges Maidlin sich so sehr ab eim lieblichen Bulerliedlin
bewegete vnd tizelte / das sie drüber von ihr selber schwanger wurde
wolle es dann in conceptione mole geschehen soll.

D. Rößle